

در سعادتده باب عالی جاده سنده
اداره مخصوصه
محل اداره:

مسائل فقیر

۱۳۲۶

مسئله کهنه موافق آثار جدید مع المنهجیه
قبول اولنور
درج ابدلین آثار اعاده اولغاز

دین، فلسفه، ادبیات، حقوق - علوم دین باحث هفته لقا رساله در

مؤسسه لری : اوالعلا زین العابدین - ح . اشرف ادیب

سنه لکی	القی آیانی	درسه دنده
۶۰	۲۰	ولا یاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ نمر ۳۲۴

در سعادتده نسخه سی ۵۰ پاره در

قیرلادن مقوا بورو ایله کوندریلیسه سنوی
۲۰ فروش فضله آلنیر

در سعادتده بوسته ایله کوندریلیسه ولایات بدلی اخذ اولنور.

بولندیغه اشارت بیوریور دیمک که فطره مساوی خلق ایدلش اولان
بنی آدم آره سنده کی فرق نسب ایله دکل ، تقوی ایله فضائل اخلاقیه
ایله در .

امثال سائر دندرکه (کن عصامیاً ولاتکن عظامیاً) دینور . بومثلك
منشائی شاعرك شو :

نفس عصام سودت عصاما وعلمته الكر والاقداما
یتی در . عصام دینیلن ذات عن اصل سیادتدن بی بهره ایکن
استعدادی ورشد وکیاستی کندینی مرکز سیادته ایصال وکندیسه
کر وحرپی ووسی واعدامی تعلیم ایلدی دیمکدر .

(کن عصامیاً ولاتکن عظامیاً) قولی دخی : شرف وشان سنك
کندی مکتسبك ومایه ذاتك اولسون ، کلوب کچمش اولان آباواجداد
ایله مفتخر اوله . زاده لکله طفره فروش عز و شرف اولق معتبر
دکدر . مقبول اولان شرف کسبی در . مآلنی افهام ایدیور .

زاده نوحه شرف ویرمه جك حضرت رب

غیرینك اولادینه بيلم نه ویرر عزت اب

اسمدا

الناس من جهة التمثال اكفاء ابو هو آدم والام حواء
ولما امهات الناس اوعية مستودعات وللحساب آباء
فان يكن لهم من اصلهم شرف يفاخرون به فالطين والماء
وان اتيت بفخر من ذوى نسب فان نسبتا جود وعلواء
لا فضل الا لاهل العلم انهمو على الهدى لمن استهدى ادلاء
وقيمة المرء ماقدكان يحسنه والجاهلون لاهل العلم اعداء
فقر بعلم ولا تجهل به ابدا الناس موتى واهل العلم احياء

دیوان مام ملی

انسانلر شکل و هیئت جهتیله بری برینه مدانی ومایه خلقت اعتباریله
یکدیگره مساویدرلر . پدرلری آدم علیه السلام ، والدلری حضرت
حوادر . انسانلرک والدلری دروننه اشیا تودیع اولان قابلمثابه سنده
اولوب نسل ونسبه اصل اعتبار پدرلره در . انسانلرک اصل ونسبلرنده
افتخار اولنه جق بر قدر و شرف وار ایسه اوده مایه آدم اولان
بالحق ایله صودر . سن اهل نسلدن بر وفخرت اتیان ایده جك ،
سلسله نسبدن بریله اوکونه جك اولورسهك بونك بزجه هیچ حکمی
یوقدر ، زیرا بزم نسبز جود وکرم وعلو جنابدر . فضل و مزیت
انجق اهل علم ایچوندر ، آنلر طوغری یول آریانلرک راه صوابده
دلیل وره بریدرلر . هرکسک قیمتی ایتدیکی ایملکدر . جاهلر اهل
علمک دشمنی درلر . سن بر علمه اتسابه چالش ، الی الابد جاهل
قاله . انسانلر اولودرلر ، بونلرک ایچنده ذی حیات اولانلری آنجق
اهل علمدر .

امام علی کرم اه وجهه حضرتلری فضل ورجحانی اهل علمه
تخصیص ایدیورسده بوتخصیص (انهم على الهدى لمن استهدى ادلاء)
قولندن نمایان اولدینی اوزره اهل علمک صلاح و تقوی ایله آراسته
اولملری و دیگرلرینی فضائله ارشاد ایلملری اعتباریله در .

(تنیه) مثلا خسرو مرحومك كرك بو ، كرك مقدما نقل
ایتدیكمز کلامندن ده ازمئه اخیرده اجتهادك دوام واستمراری واضحاً
مستبان اولمقده در . مشارالیه حضرتلرینی رد وتزییفه جرأت ایده جك
بر فرد بولونه بیلیرمی ؟

(۳) وجوه قیاسه آشنا اولمقدر ، ملکه اجتهادك تحققی قیاس فقهانك
شرائط واحكام واقسامنه بالاطراف وقوفه وابسته در . چونکه قیاس مقبول
ایله مردودی تمیز ایده بین نصل اجتهاد ایده بیلیر ؟ مجتهدین کرامك
جیاد اذهانی بومیدانده تسابق ایتکده در . علم اصولك بوقسمی
ایوقویانلر علماء اسلامك تدقیقات فقهیه سته حیران اولوب قالیرلر .
(من لم يذق لم يعرف) منلی اصل بوخصوصه دائر ضرب اولنمالیدر .
(۴) نجی شرطك ده لزوم اهمیتی مقاله مذکورده ایضاح اولونمشدر .

مناسرتی : اسماعیل مفی

نجائب قرآنیہ

سورة حجرات آیت - ۱۳

(یا ایها الناس انا خلقناکم من ذکر واثی وجعلناکم شعوباً وقبائل
لتعارفوا ان اکرمکم عندالله اتقیکم ان الله علیم خیر)

[جناب منزل الفرقان آیت سابقده ردائل اخلاقدن نهی
بیوردینی کی بو آیت جلیله دخی عامه مکلفینی انساب ایله تفاخردن
نهی ایدیور . آنلره نداء عمومی ایله ندا ایدرک بیوریورکه] ای
ناس [بز عظیم الشان] سزی برارکک ایله دیشیدن [آدم ایله حوادن]
یاراندق [سلسله انسابکز بر پدرله بر مادره منتهی در ، شو حالده
بوخصوصه جمه کز بری بریکزه مساوی اولدیغکزدن نسب ایله
تفاخرک وجهی یوقدر] وبری بریکزی طایفه کز ایچوندرکه سزی
شعوب وقبائل قلدق [یوقسه آبا وقبائل ایله تفاخر ایتکز وانسابده
تفاوت وتفاضل ادعا ایلکز ایچون دکل] . سزک عند الله اعز
واکرمکز تقوایی اک زیاده اولانلریکزدن [اک نسب اولانلریکز
دکدر . زیرا نفوس بشریه نك مدار کمالی واشخاصک بری برینه
فضل ورجحانی انجق صلاح و تقوی ایله در . عزت و شرفی اولق
ایستهین ، درجات علایه نائل اولق آرزو ایدن اکتساب صلاح
وتقوایه چالشسون] . الله علیم در [سزی واعمالکزی بیلور]
خیردر [بواطن احوالکزه مطلع در] .

جناب حق بو آیت کریمده ، بنی آدم برکوهردن آفریده اولمغه
فطرته آره لرنده تساوی بولندیغی ومحضاً بری برلرینک نسبنی
طایفه حکمتیه مبنی ائم واقوام مختلفه قلندقلرینی ویکدیگره فضل
ورجحانلرینه و نزدالهیده عزت و شرفلرینه بادی اولان خصلت
انجق دیانت و تقوی اولدیغی بیان ایدرک انساب ایله تفاخرک عبث
وبیهوده اولدیغه وانجق صلاح وتقوادرکه فضل ورجحانیه مدار

قال الله تعالى ﴿ انما يخشى الله من عباده العلماء ﴾

ظاهرده بعض دانشوران وارد کرده اند خلق فضائله ارشاد دکل . نفسارنده بيله بو نعمت انسانیه دن محرومدرلر . بو مقوله لره عالم اطلاقی جسیان دکلدر ، بونلر عالم نما جاهلدرلر . بوکیلر حضرت علی نك تجیل ایلدیکی اهل علمدن خارجدرلر .

بعلمت آدمی انسان مطلق چو علمش نیست شد حیوان مطلق عمل بی علم باشد جهل مطلق بجهل ای جان نشاید یافتن حق حافظ شیرازی

کله ما نحن فيه : فی الحقیقه نسب عرفاً و شرعاً معتبر اولوب حتی بر شریفه بر نبیطی ايله تزوج ایتمز . نبیطی : بر طائفه درکه عراقین اره سنده دره لرده ساکن اولورلر . فقط شمسك طلوعنده کواکب کورنمدیکی کبی قدر و منزلتی نسب دن اعز و اعلی اولان ایمان و تقوانک ظهورنده نسبه اعتبار اولماز . بناء علیه بر فاسق قرشی النسب اولسه بيله بر مؤمن تقی یاننده انک قدر و شرفی اولماز ، ولوکه او مؤمن متقی بر عبد حبشی اولسون . شو قدرکه ایکی کیمسه ده صلاح و تقوی اجتماع ایدوبده انلرک بریسی نسب اولسه ، مزیات مکتسبه سی تربیه نجیانه ايله پیراسته اوله رق اوته کندن فرقلی بولنه جفی جهته او حالده نسب باعث ترجیح اولور ، مع مافیه بوده ناس عندنده اولوب عندالله انلرک بری برندن هیچ فرقی یوقدر .

روایت کوره ذات رسالت اب افندمز بر کون مدینه منوره نك چارشوسندن کچراکین برزنجی کوله کوردی . بو کوله ندا ایدوبور ایدی که بنی صاتون آله حق کیمسه بش وقت نمازی رسول اکرمک ارقه سنده قلمقدن بنی منع ایتمسون ، بو شرط ايله السون . صکره بو کوله یی بر آدم صاتون الممش اولدیغندن رسول اکرم هر نمازده انی کوربور ایدی . بر کون کورمدی ، صاحبندن صورتی ، حمایه طوتمش اولدیغنی خبر ویرنجه عیادته کتدی . اوچ کون صکره ینه سوال بیوردی . اغر لاشدیغنی ذات نبوت پناهیلرینه عرض ایلمسینه تکرار انک یانه کتدی ، حالت نزعه بولدی . کوله ارتحال دار آخرت ایلدکه اول سیدالانام انی بالذات غسل و دفن بیوردی . بر غلام اسود حقنده بو درجه اعزاز و تکریم محمدی مهاجرین و انصاره کران کلدیکندن بو آیت کریمه شرف نزول ایتمدی .

شعوب : شعبك جمعی در . شینك فتحی ايله شعب : اصل واحده منتسب بولنان جمع عظیمدرکه طبقات انسابك یوکسکی در . شعب قبائلی ، قبیله عمارتی ، عماره بطونی ، بطن افخادی . فخذ فصائلی جمع ایدر . شو حالده مثلاً خزیمه شعب ، کنانه قبیله ، قریش عماره ، فص بطن ، هاشم فخذ ، عباس فصیله در . بعضیلری دیدیلرکه شعوب : بطون عجم ، قبائل بطون عربدر .

شرعی ايله قیلدی اول قرتاب تعلیم حقوق و فضل و آداب کیم شرعنه ایلسه توسل انسانلق ايله ایدر تجمل هرکیم که او شرعه خدمت ایلر دارینده کسب حرمت ایلر

امیدرا کرچه اول ملک خو امی که شریعتنده تابان امی ایدی کرچه قیلدی کندی سلطان دوکون ایکن اوسرور محکوم ایکن امرینه مالک رایاتی اولور ایکن مظفر اکثر وقتی کچردی مدیون یوقسولانی اختیار ایدردی اول طائر قدس آشیانه جایملری سیر ایدردی لطفی مولای شفیق ایدی لطیمه هرکس ایدی خوان نعمتنده هیچ اولدی اول نبی صابر بالذات عیادته کیدردی ایلردی تهجد شبانگاه هر نفسی طوتاردی اول پیمبر عبیدت ايله ایدی مباهی بر مکتبه اولدی کیم مداوم علمیه جهانی قیلدی مملو احکام حقوق نوع انسان عاجز بلغای نجد و کندی وار ویوق ایدی اکا برابر اوچ پیرهنه دکلدی مالک آچلقله کزردی کندی اکثر فوتنده بولندی درعی مرهون یوقلق ايله افتخار ایدردی میل ایتدی جیفه جهانه . احراری اسیر ایدردی لطفی کویا پدر ایدی هر تیمه عالم ایدی تحت متنده متشکس نعمت اکابر دلخسته لره شفا ایدردی قلبنده طورردی خشیه الله نفسیله حقوقده برابر اخلاقی ایدی بتون الهی الله ایدی ذاته معلم

مقدمه خرابات

برکت زاده : اسماعیل مافی



رد اباطیل

— مابعد —

(عایشه نك ده ابن عباسك ده قرآنی و ارایدی) فقره سنه کلنجه : بوکا جواباً دیرزکه : اوت ، بونلرک دخی قرآنلری و ارایدی . یالکز بونلرک دکل ، حضرت علینك ، ابی ابن کعبك ، ابن مسعودك معاذ ابن جبلك ، زید ابن ثابتك و دهاپك چوق ذوات کرامك قرآنلری ، مصحفلری وار ایدی . بونی کیمسه انکار ایتمدی . فقط بونلر هپ حضرت صدیقك بوجه بالا قرآنی جمعندن صکره یازلمشلر ایدی . او ائنده و یاخود آندن اول یازلمشلر ایدی . زیرا ارتحال نیدن صکره قرآنی ایلک جمع ایدن یعنی حضور رسالتده یازلمش اولان بتون صحف شریفه یی طویلا یوبده کفی السابن سور قرآنییه آنلردن آیری ، آیری صحیفه لره یازدیروب جمادی یانه حفظ ایلین حضرت صدیق اولدیغنی تواتراً ثابتدر . تواتراً ثابت لان بر خبرك خلافتی قبول ایه قطعاً باطلدر . مع هذا فرض ایدم که بو قرآنلر حضرت صدیقك قرآنی جمع ایتدیکی ائنده و یاخود آندن اول یازلمش اولسونلر . فقط حضرت صدیق ايله برابر و یاخود آندن اول بعض ذواتك دخی قرآنی جمع ایتمش اولملریله قرآن کریمك کیمك طرفندن جمع ایلدیکی غیر معلوم می اولسی لازم کلیور ، یوقسه عین زمانده و یاخود یکدیگری متعاقب بر چوق ذوات معلومه طرفندن قرآن کریمك مصاحف متعدده یه